

बोर री धणियाणी,
थारो देवरो हिरा जडयो ए मां,
छतर थारे आपरे,
मां मोतियो रो जडाव,
मोटवी मइया रो मन्दिर,
प्यारो घणो लागे मां ॥

पावागढ सू आई भवानी,
सिणधरी रे माई जी,
मोडदानजी चारण घर,
लियो अवतार जी,
बोर री धनियानी,
थारो देवरो हिरा जडयो ए मां ॥

जग मग जागे ज्योत,
माता बोर रे मन्दिर माई जी,
मेवा मिश्री रा भोग लगावे,
चरणा शीश निमावे मां,
बोर री धनियानी,
थारो देवरो हिरा जडयो ए मां ॥

हाथा रे मेहंदी राचणी मां,
चुडले रो सिणगार जी,
बिछिया रो झणकार माता,

रिमझिम करता आओ जी,
बोर री धनियानी,
थारो देवरो हिरा जडयो ए मां ॥

माथे मुकुट आपरे माँ,
हद सोवे ओ माता,
खांडो लियो हाथ माता,
सिंह चढी असवारी माता,
बोर री धनियानी,
थारो देवरो हिरा जडयो ए मां ॥

पूनम रो थारे मेलो भरीजे,
आवे नर और नार जी,
हिरोणी जाणियो री,
कुळ देवी मोटवी मां,
बोर री धनियानी,
थारो देवरो हिरा जडयो ए मां ॥

रणछोड जाणी री अर्ज वीणती,
चरणा शीश निमावे मां,
खेतदान जी चारण पूजे,
दिन रात जी,
बोर री धनियानी,
थारो देवरो हिरा जडयो ए मां ॥

रमेश सारण महिमा बणावे,
चरणा शीश निमावे जी,

रमेश सारण महिमा गावे,
हेले हाजिर आओ मां,
बोर री धनियानी,
थारो देवरो हिरा जडयो ए मां ॥

बोर री धणियाणी,
थारो देवरो हिरा जडयो ए मां,
छतर थारे आपरे,
मां मोतियो रो जडाव,
मोटवी मइया रो मन्दिर,
प्यारो घणो लागे मां ॥

गायक / प्रेषक लोक गायक रमेश सारण ।
बाडमेर, M. 9571547445

Source:

<https://www.bharattemples.com/bor-ri-dhaniyani-tharo-devro-heera-jadyo-maa/>



Bharat Temples

Complete Bhajans Collections - Download Free Android App

<https://play.google.com/store/apps/details?id=com.numetive.bhajans>

Facebook: <https://www.facebook.com/bharattemples/>

Telegram: <https://t.me/bharattemples>

info@bharattemples.com

3/4

BharatTemples.com

Youtube: <https://www.youtube.com/channel/UC24oJCxZjyhhKzSUD-Lt9Tw>